

# 聖政卷之二

## 典章三

### 均賦役

庚申年四月初六日欽奉詔書內一欵爰自包銀之法行積弊到今民力愈困朝廷立制本欲利民而反害民非法之弊乃人弊之也加之濫官污吏夤緣侵漁科斂則務求羨餘輸納則暗加折耗以致濫刑虐政暴斂急徵使農夫不得安於田里者爲害非一吾民安得不重困耶舊弊苟不悉除新政安能有立今後應科斂差發斟酌民力務要均平期於安靜與吾民共享有生之樂而已欽此

中統元年五月中書省奏准宣撫司條款內一件科放差發文  
字止依一次盡數科訖府科於州州科於縣縣科於民並

同此例分作三限送納其三限寬期展日務要民戶紓緩容易送納亦不可促逼人難

至元十三年二月欽奉歸附居民詔書內一款體知得歸附州城官吏依殘宋擅自科取差發今後非奉朝省明文不得搔擾科斂百姓

至元十九年十月欽奉聖旨條畫內一款應管軍民人匠諸色戶計官吏人等今後毋得將所管戶計私自役使影占非奉上司明文不得率斂錢物入己使用雖有明文不得因而荅帶私取擅科及荅帶者與取受同罪照依已降條畫科斷欽此

至元二十八年六月中書省奏准至元新格諸科差稅皆司縣正官監視人吏置局科攤務要均平不致偏重據科定數目依例出給花名印押由帖仍於村坊各置粉壁使民

通知其比上年元科分數有增損不同者須稱元因明立案驗准備炤勘

又一欵差科戶役先富强後貧弱貧富等者先多丁後少丁開具花戶姓名自上而下置簿挨次遇有差役皆須正官當面點定該當人數出給印押文引驗數勾差無致公吏里正人等放富差貧那移作弊其差科簿仍須長官封收長官差故次官封收

又一欵差科皆用印押公文其口傳言語科斂者不得應副違者所取雖公並須治罪

大德十二年二月初八日欽奉聖旨中書省官人每奏國家應辦支持浩大所用之物必須百姓每根底和雇和買應辦有自來不以是何投下軍匠站赤等諸色戶計一體均當有來次後間諸王公主駙馬各投下軍站人匠打鋪鷹

房權要等戶倚氣力不肯依體例應當和雇和買雜泛差役的上頭薛禪皇帝完澤篤皇帝行聖旨除上都大都其間有的站赤自備首思又有哈剌張和林甘州海北海南福建等處除邊遠田地裏出征軍人每外其餘不以其何戶與民一體均當者麼道聖旨交行有如今大都並腹裏路分江南等處諸王公主駙馬各投下官人每各自護回影占百姓及權豪勢要人等沮壞元立定來的體例交奏啟過聖旨懿旨令旨與了麼道不當和雇和買雜泛差役的多有衆人協力合辦的差發根底若只教大數裏軍站民戶教應當呵偏負辦不得生受有可憐見呵依著在先行來的聖旨體例裏一體均當呵怎生麼道奏呵如今依著在先的聖旨體例裏除上都上都其間有的自備首思的站赤除邊遠田地裏出征軍人外諸王公主駙馬不以

是何投下軍站民匠打鋪鷹房怯憐口厨子控鶴人等諸色人戶與大數目當差的軍站民戶一體均當者在先教奏的執把著行的聖旨懿旨令旨與了的人每依著這聖旨體例行者今後不以是何人等休交奏者這般宣諭了可不當和雇和買雜泛差役的隱藏百姓的隱藏的人沮壞大體例交奏的人奏的人有罪過者監察每廉訪司官人每常切用心體察者管民官吏人等因著這般宣諭了麼道百姓每根底和雇和買雜泛差役偏負多椿配呵有罪過者道來聖旨羊兒年十二月十一日大都有時分寫來

至大四年三月十八日欽奉登寶位詔書內一欵民間和雇和買一切雜泛差役除邊遠軍人並大都至上都自備首思站戶外其餘各驗丁產先儘富實次及下戶諸投下不

以是何戶計與民一體均當應有執把除差聖旨懿旨令旨就便拘收

延祐三年十月十九日中書省奏過事內一件但凡一切和雇和買雜泛差役除邊遠出征軍人並上都大都其間自備首思站赤外其餘各投下不以是何人等與民一體均當者麼道皇帝登寶位詔書裏行了來自世祖皇帝時分也這般行來近間中政院殊詳院拱衛司等各衙門官人每將他每所管戶計並控鶴等休交當和雇和買者麼道俺根裏與了文書有俺商量來和雇和買一切雜泛差役衆人不協力當呵只交當差的百姓每當呵勾當也成就不得百姓每越生受去也依詔書體例除邊遠軍人上都大都其間自備首思站赤外其餘諸王駙馬並各衙門官人每奏了不交當行了文字的以是何人等都交一體

均當呵怎生奏呵那般者麼道聖旨了也欽此都省咨請  
欽依施行准此仰欽依施行

延祐五年十一月十一日中書省奏奉聖旨節該今後依著  
累次行來的聖旨民間但是和雇和買里正主首雜泛差  
役除邊遠軍人大都至上都其間自備首思站戶諸處寺  
觀南方自亡宋以前腹裏雲南自元貞元年爲始舊有常  
住並上位撥賜田土除差外據邊遠軍人元籍去處各有  
贍軍產業那裏既已優免了這軍官軍人並僧道人等續  
置了百姓每的當差田地及財賦總管府承佃附餘地土  
並與其餘軍站民匠醫儒竈戶運糧船戶各枝兒不以是  
何戶計都交隨產一例均當怎生奉聖旨那般者麼道聖  
旨了也

延祐七年十一月欽奉至治改元詔書內一欸均平賦役乃

民政之要今後但凡科著和雇和買里正主首一切雜泛  
差役除邊遠出征軍人及自備首思站赤外不以是何戶  
計與民一體均當諸位下諸衙門及權豪勢要人家敢有  
似前影蔽占恡者以違制論非州縣正官用心綜理驗其  
物力從公推排明置文簿務使高下得宜民無偏負廉訪  
分司所至之處嚴行照刷違者究問在先若有免役聖旨  
懿旨並行革撥



# 復租稅

至元二十年 月

日欽奉聖旨節該江淮百姓生受至

元二十年合徵租稅以十分爲率減免二分

至元二十二年二月欽奉聖旨內一欵京師天下之本一切供給皆出民力比之外路州郡實爲偏重近年有司奏請丈量地畝增收子粒百姓被擾尤甚今後將大都一路軍民等戶合納地稅盡行除免

至元三十一年 月欽奉詔書內一欵諸色戶計秋糧已減三分其江淮以南至元三十一年夏稅特免一年已納官者准充下年數目

大德元年十月欽奉聖旨中書省奏隨處水旱等災損害田禾疫氣漸染人多死亡今降聖旨被災人戶合納稅糧損

及五分之上者全行蠲免有災例不該免以十分爲率量減三分其餘去處普免二分病死之家或至老幼單弱別無得力之人並免三年賦役貧窮不能自存者官爲養濟江南新科夏稅今年盡行蠲免已納在官者准算來歲夏稅

大德七年三月設立奉使詔書內一欸內郡大德六年被災闕食曾經賑濟人戶其大德七年差發稅糧盡行蠲免又一欸荆湖川蜀州郡拘該供給八番軍儲去處夏稅秋糧荆湖與免三分之二川蜀與免四分之一

大德八年 月欽奉詔書內一欸去歲地震平陽太原兩路災重去處係官投下一切差發稅糧自大德八年爲始與免三年隆興延安兩路與免二年上都大同懷孟衛輝彰德真定河南安西等處被災人戶亦免二年

又一欵大都保定河南路分連年水災田禾不收人民缺食生受別行賑濟外保定河間兩路大德八年係官投下一切差發係官稅糧並行蠲免

大德九年六月欽奉詔書內一欵大都上都隆興供給繁重其大德九年差發稅糧並與除免腹裏路分各免包銀俸鈔江淮以南諸處佃種官田租稅均免三分

大德十一年五月 日欽奉登寶位詔書內一欵上都大都隆興三路比年供給繁重自大德十一年爲始百姓差稅全免三年其餘路分民戶差發免一年稅糧十分中與免三分軍站工匠鹽場鐵冶諸色等戶合納丁地稅糧亦免三分江南路分今年夏稅免五分秋稅免三分已納到官者准下年數

大德十一年八月欽奉命相詔書內一欵尚念大江以北百

姓供給繁勞若包銀俸鈔雖行之已久而輸納者實爲偏重自大德十一年爲始除免

至大元年欽奉命相詔書內一款江南江北水旱飢荒去處已嘗遣使分道賑恤去歲今春曾經賑濟人戶至大元年差發夏稅並行蠲免

至大元年十一月欽奉建中都宮闕詔書節文惟是開元一路及宣德雲州之民供給繁浩其徭賦除前詔已蠲三年外更復一年

至大二年二月欽奉上尊號詔書內一款被災曾經賑濟百姓至大二年腹裏差稅江淮夏稅並行蠲免

至大三年十月十八日欽奉上尊號詔書內一款至大四年中都比之他郡供給繁擾與免至大三年秋稅其餘去處被災人口曾經體覆依上蠲免已徵在主典手者准下年

數

至大四年正月欽奉祀南郊詔書內一款至大四年腹裏百姓合納包銀全行蠲免江南夏稅與免三分

至大四年四月欽奉廢罷銅錢詔書內一款大都上都隆興輦轂經幸供給浩繁百姓合納差稅自至大四年爲始並免三年

延祐元年正月欽奉改元詔書內一款京師天下之本比之諸路供給繁重上都大都合納差稅自延祐元年蠲免二年又一欵被災去處皇慶二年曾經賑濟人戶延祐元年差發稅糧盡行蠲免

延祐二年十一月二十七日欽奉詔赦內一款大都上都興和三路供給繁重合該差稅自延祐三年爲始與免三年其餘路分延祐三年腹裏絲料十分中與免二分軍站戶

計限地四頃外餘有地畝合納稅銀十分中減免三分江淮夏稅十分中減免三分

又一欵河南江浙江西三省經理自實出隱漏官民田土合該租稅自延祐三年爲始與免三年河南行省地面經值災傷延祐二年若有未納之數亦行免徵

又一欵江西福建因值賊人蔡五九李社長作亂曾被殘害百姓合該夏稅秋糧自延祐二年爲始與免二年若已納到官者准下年數

延祐四年閏正月欽奉建儲詔書內一欵大都上都興和三路比之他郡供給繁重合該差稅前詔已嘗蠲免近因阿撒罕判亂百姓被擾除陝西州縣及寧夏路河中府東勝雲內豐州延祐四年差發稅銀十分中並免五分其餘諸郡腹裏絲料江淮夏稅普免三分又條軍站限地四頃外

地稅與免五分

延祐七年三月欽奉登寶位詔書內一欵恤災拯民國有令典應腹裏路分被災去處曾經賑濟者據延祐七年合該絲綿十分爲率擬免五分其餘諸郡縣綿並江淮夏稅並免三分

延祐七年十一月欽奉至治改元詔書內一欵國家經費皆出於民近年以來水旱相仍艱食者衆其至治元年丁地稅糧十分爲率普免二分合該包銀除兩廣海北海南權且倚閭其餘去處減免五分

又一欵大都上都興和一路供輸繁重自至治元年爲始合著差稅全免三年腹裏被災人戶曾經廉訪司體覆者下年絲料與免三分燕南山東汴梁歸德汝寧災傷地面應有河泊無問係官投下並仰開禁聽民採取若有原委抽

分頭目人等截日革去



## 減私租

至元二十年十月欽奉詔書內一欵節該至元二十年合該租稅十分中減免二分所減米糧仰地主却於佃戶處依數除豁無得收取

至元二十二年二月欽奉詔書內一欵江南有地土之家召募佃客所取租課重於公稅數倍以致貧民缺食者甚衆今擬將田主所取佃客租課以十分爲率減免二分

至元三十一年十月初五日奏過事內一件皇帝登寶位時分行詔書呵漢兒蠻子百姓每的今年納的稅糧十分中免三分者說來如今杭州省官人每與將文書來蠻子百姓每不似漢兒百姓每富戶每有田地其餘他百姓每無田地種著富戶每的田地養和喉嚨係更納租稅有如今稅